

Werk

Titel: Rodolfo Maurizio

Ort: Erlangen

Jahr: 1917

PURL: https://resolver.sub.uni-goettingen.de/purl?345572629_0037|log11

Kontakt/Contact

[Digizeitschriften e.V.](#)
SUB Göttingen
Platz der Göttinger Sieben 1
37073 Göttingen

✉ info@digizeitschriften.de

In 'uccasciun d'una nozza dal 1858.

- Da la nozza la dgorneda
 E' un termal da la vita
 Ca da leiva imbroieda
 As condüsc in altra grita
 5 Cant e giüval da lagria
 Qui spasett da giuventüra
 Qui strabalz da fantasia
 Van quel di in sepoltüra
 E scumenza pö la soda
 10 Vita seria panzarusa,
 I plaseir van or ad moda
 Vegn la moda fastidiusa.
 Nonostante doi cas aman
 Doi da cor e ment da vaia
 15 Al sumea ca is claman
 A fer frunt a la battaia
 Da cumbatter in concordia
 Lan fadiga da la vita
- E placher pö lan discördia
 20 Di bagai e da lan pita.
 Quel amur ca or ad zura
 I precipizi ai cumpagna
 Quel amur ch'in listess ura
 Ai fa fer castei da Spagna.
 25 Quist' amur bel cas invirusca
 Lè cun stima e sallüda
 In amur da spus e spusa
 Sül mument da la lur müda
 Cun evviva cun canteda
 30 Mazament e pistoleda
 Cun ghigun e scampaneda
 Per lan tgesa e cuntreda
 Dia fatca ca la vöa
 Mai nu manient l'intrapreisa
 35 E la forza da la döa
 Mai zuffega la difeisa.

RODOLFO MAURIZIO.

Poesias.

Stüüda da lan matan.

- Üna volta lan matan
 La lavurävan cunt i see man
 E ogni tant la fageivan stüüda
 E la girävan da ciäsa in ciäsa,
 5 Ci cul füs, ci cul mulinel
 Ma la pü part sempar cun quel.
 La filävan lin, canaf e canaveta
 E ci nu filäva fageiva calcetta.
 Capitävan i matg ent par la seira
 10 Plan, planin cun bela maneira,
 Ei picävan, ei gnivan evant
 Ci scivläva e ci cun cant.
 E sün scabela e banc
 Is santävan intant.

- 20 Pö i scumanzävan ün zichin
 E tucär cun al dentin
 Ur la roda, ur la cordeta
 Ur la struba e ur la raveta
 E goiävan infin e tant
- 25 Ca l'era sgulinaa tüüt quant
 E ci rossa e ci smortetta
 La ciapävan la rabia lan povretta
 E cum lascia inscia par quista seira
 Da lavurär um ha temp infier sta prümaveira
- 30 Ora quii mulin e tüütg quii rob
 Cum possa far ün balarot
 E ci sunäva e ci baläva
 E inscia la seira as la passäva.
 Ma però da carnaval
- 35 Um fageiva sempar ün pair bal.
 O sü la Tor o vi'l Mulin
 O qualtgi volta vi Cat Martin
 O cul Frau, cul Notcer o cul Fascölin
 Ma nu l'è da dasmancär
- 40 Ca är al Niggli um fageiva sunär.
 El sunäva al clarinet
 Fort giüst e net
 El sunäva polca, sciottis e galop
 Cum i baläva ent ün sclopp
- 45 Ei valzer e i vazzavien
 Ji sunäva anca pü ben,
 Quist l'è quel ca fageiva
 Matg e mattan
 Temperant da 50 agn.
- 50 Pochi i en i viv e tantgi i mort
 E la furtüna stà ent la šort.

La mort dal Masträl Rodolf Gianela.

- Vi Cat Martin in üna ciäsa
 Ca Cat Salutz l'è nominäda
 Abitada l'era da doi talian
 Bargamasch o Brescian.
- 5 Ün l'era ün bun farair
 E l'altar invece ün brav calgair

- Ün l'ära dal tüt zopp
 E l'altar ai plasceiva en beivar ün gót.
 I viveivan in comuniun
 10 O ün o l'altar in pensiun.
 I veivan pö fatg amicizia
 Cun Masträl Gianela
 Ca sü Cat Pravost al stäva.
 Quist minciun ai veiva
 15 Mossà i quattrin, e lur
 Gulus ai vuleivan fär la fin.
 I han ditg dai imprastär
 Ünä certa soma, ca par fär
 Furtüna la vuleivan druvär.
 20 E la seira ca il han giü fissà
 Al masträl l'è gnii e l'è statg pagaa.
 Al zop ai dà giò ün colp cun al martel
 E lü l'è crudaa tancu ün avdel.
 Ent la pigna i l'han pogiaa
 25 E inscia i l'han brüsciaa.
 Pö i han tuletg quel ch'è rastaa
 Giò pal comat e han bütaa.
 Al farair in poc di
 L'è partii e l'è fuggii.
 30 El zop par nu dar suspett
 Fin d'avril l'è statg chilò sulett
 E dopo la panzà
 Da tör al se pè e ender a cà.
 Iutal fratemp al Criminäl
 35 Da partüt ciarcäva al Masträl,
 Ma nagitün al veivan giü avdü
 Es tameiva da cuel truvär mai plü
 I han panzaa ben, da mettar or al decret,
 Cal sunäva bel clair e nett:
 40 „Ca 24 armetta ai gniss pagaa
 E ei ca dal Gianela nutizia dà.“
 Me babsegnar senza ciarcär
 Par la Boccaretgia veiva d'indär
 El'ha avdü verz al comat da Cat Salutz
 45 Certi oss ent i patlütg,
 Ca i han dalunga datg suspett

- El l'ha gojaa ora cunt ün bachett
 E fra altran purcaria
 I'è gnii ora ün cranio senza fadiga.
 50 E l'è gnii approvaa e cunstataa
 Dal Gianela essar statg in verità.
 E lü ai è gnii sburzaa
 Lan 24 armetta dal Pudastà.
 Ma i doi fuggitiv, i doi galantom
 55 Chi veivan tuletg la sträda dal läg da Com,
 Incur chi en giü ent al see pais
 In han fatg da rama e da risc
 Infin ca la giüstizia i ha blucà
 E in prascùn statg cundanaa
 60 Indua ca fra altar i han cunfassaa
 Da veir mazzaa al Gianela e pö brüscaa,
 Ent la pigna ben s'intend
 Ca la esist anca da present.
 Vi Cat Salutz sün't'al prüm plan
 65 A man sinistra sünt al man
 E l'è lò anca giüst istess
 E nagot da plü ai è statg mess
 Soma dadora l'è statgia varnisciäda
 Par la mantagnir ca nu la gnis crapäda.
 70 Al di d'intgiö dai fär Pravost l'è abitäda
 Chi en i padrun e sia la ciäsa
 Quist l'è sucess dal 1822 al 31 gianair
 Ca däva la lüna fra scür e clair.
 Cumpati tgi ca l'ha faccia
 75 Ca l'è ün veil ca lavura cun la zappa
 Cun la zappa e la zappeta
 Biadig da Dolfin Zanfetta.